

Pab pawg ua hauj lwm txog Txoj Kev Npaj Pab Raws Tej Tus Tib Neeg (The Individual Program Plan (IPP)), tab som siv qhov txheej txheem kev tsim phiaj xwm uas yog ua raws txoj kev xav ntawm tus neeg thov, los tsim IPP uas yog txheeb xyuas txhua yam uas xav tau thiab ntau li cas ntawm cov khoom siv thiab cov kev pabcuam kom tau raws li lub phiaj xwm tau teeb cia thiab ua kom kev ntseeg siab tau txog kev noj qab haus huv thiab kev nyab xeeb ntawm tus neeg tuaj koom. Pab pawg ua hauj lwm txog IPP kuj pab tsim pob nyiaj siv ntawm txhua tus neeg, uas yog peev nyiaj pab los ntawm lub chaw pabcuam hauv cheeb tsam muab coj mus yuav khoom siv thiab cov kev pab cuam kom coj los ua tau raws li IPP.

Tom qab pob nyiaj siv ntawm txhua tus neeg tau txais kev pom zoo lawm, tus neeg tuaj koom yuav tau tsim qhov phiaj xwm los siv qhov peev nyiaj uas muaj coj mus yuav khoom siv thiab cov kev pabcuam kom tau raws IPP cov hom phiaj. Kev tsim lawv qhov phiaj xwm los siv peev nyiaj, tus neeg tuaj koom yuav tsum tau xav txog yam hauv qab no:

Kauj Ruam 1: Qhov Khoom Siv lossis Qhov Kev Pabcuam puas muaj kev cuam tshuam txog Tus Neeg Tuaj Koom ntawm lub khoos kas Kev Txiaiv Txim Siab Rau Yus Tus Kheej cov kev xav tau thiab IPP cov hom phiaj?

Txhua yam khoom siv lossis kev pabcuam nyob hauv qhov phiaj xwm los siv peev nyiaj yuav tsum qhia txog yam uas xav tau lossis lub hom phiaj rau hauv IPP.

- Dab tsi yog qhov xav tau thiab nws muaj kev sib cuam tshuam li cas txog cov hom phiaj ntawm txhua tus neeg hauv IPP?
- Qhov khoom siv thiab kev pabcuam yuav pab kom tau raws li qhov kev xav tau hauv IPP tau li cas?
- Qhov khoom siv los yog qhov kev pabcuam puas ua rau muaj kev koom tes nrog lub zej zog ntau dua qub?

Yog tias qhov khoom siv los sis qhov kev pabcuam tsis muaj kev cuam tshuam txog tus neeg tuaj koom qhov kev xav tau hauv IPP los sis yuav tsis pab kom tus neeg tuaj koom ua tau raws lub hom phiaj hauv IPP, nws yuav tsum tsis txhob muaj nyob rau hauv qhov phiaj xwm los siv peev nyiaj.

Kauj Ruam 2: Puas muaj kev txhawb nga los ntawm kev sib raug zoo nrog lwm tus los sis kev pabcuam rau kev xiam oob khab uas Tuaj Yeem Raug Siv Tau?

Ua ntej muab qhov khoom siv los sis yog kev pabcuam nkag mus nyob hauv qhov phiaj xwm los siv peev nyiaj, tus neeg tuaj koom yuav tsum tau txiaiv txim siab hais tias seb yam khoom siv los sis qhov kev pabcuam ntawd puas tuaj yeem raug muab los ntawm kev sib raug zoo nrog lwm tus lossis kev pabcuam rau kev xiam oob khab. Nyob rau hauv SDP, cov neeg tuaj koom yuav tsum tau siv cov kev pabcuam uas muaj rau cov neeg xiam oob khab ua ntej tso.

- Tshawb xyuas seb puas muaj kev txhawb nga los ntawm kev sib raug zoo nrog lwm tus uas pab kom tau raws lub hom phiaj los sis qhov xaus. Piv txwv li, tus tij

laug los yog niam laus ntawm tus neeg tuaj koom ntawm lub khoos kas kev txiav txim siab rau yus tus kheej uas hnoob nyoog qis dua kaum yim xyoo khoom saib thiab tuaj yeem saib tau tus neeg tuaj koom thaum lub sij hawm nws niam thiab txiv tawm mus yuav khoom noj ntawm txhua lub lim tiam rau tsev neeg. Yog tias ua tau li no kuj yuav tsis tas siv qhov kev pab uas tau them nyiaj thiab tus tij laug los yog niam laus uas tsis them nyiaj no kuj yuav raug hu ua kev txhawb nqa los ntawm kev sib raug zoo nrog lwm tus.

- Tshawb xyuas seb puas muaj cov kev pab cuam rau cov neeg xiam oob khab uas tuaj yeem pab kom tau txais qhov xaus ntawd. Piv txwv li, tus neeg puas tsim nyog tau txais qhov kev pabcuam tuaj pab tu hauv tsev (IHSS) thiab yog tias tsim nyog tau txais, lawv puas tau txais qhov kev pab cuam kev pab kho tus kheej (PCA) uas tuaj yeem siv tau? Lub chaw muab kev pabcuam hauv cheeb tsam yuav tsum pab txhua tus neeg txog kev thov cov kev pabcuam rau tus neeg xiam oob khab.

Kauj Ruam 3: Cov Khoom Siv thiab Cov Kev Pabcuam puas tau txais kev pom zoo nyob rau ntawm SDP thiab Medicaid?

SDP yog ib feem ntawm tsoom fwm qhov Kev Zam Medicaid. Qhov kev zam no tau muab kev pom zoo rau cov khoom siv thiab cov kev pabcuam uas yuav tsum tau yuav. SDP cov neeg tuaj koom tsuas tuaj yeem yuav cov khoom siv thiab cov kev pabcuam uas tau txais kev pom zoo los ntawm kev zam (saib Cov Ntaub Ntawv Xa Ua Ke B).

- Cov ntsiab lus ntawm Kev Zam Pab Kho Mob uas pom zoo rau yuav cov khoom siv thiab cov kev pabcuam tuaj yeem tshawb pom tau [ntawm no](#). Yog tias qhov khoom siv lossis qhov kev pab cuam nyob rau hauv ib ntawm cov khoom siv lossis cov kev pabcuam uas pom zoo rau yuav, yam khoom siv lossis qhov kev pabcuam ntawd tej zaum yuav nyob rau hauv qhov phiaj xwm los siv peev nyiaj.
- Qee cov khoom siv thiab cov kev pabcuam tsis tau txais kev pom zoo nyob rau hauv SDP. Daim ntawv teev npe txog yam uas tsis tau txais pom zoo muaj nyob hauv Cov Ntaub Ntawv Xa Ua Ke B. Daim ntawv teev npe no tsis muaj tag nrho txhua yam uas tsis pom zoo.
- Qee yam khoom siv thiab kev pabcuam tej zaum nyob dhau ntawm tus neeg tuaj koom pob nyiaj siv lawm (saib Cov Ntaub Ntawv Xa Ua Ke B).
- Muaj cov cai ntxiv hais txog kev yuav Cov Khoom Siv thiab Cov Kev Pabcuam raws Tus Neeg Thov Kev Pab nyob hauv Txoj Cai Pabcuam Tshooj 333. Cov cai yuav raug muab coj los sib tham hauv Kauj Ruam 5 thiab hauv Cov Ntaub Ntawv Xa Ua Ke C.

Kauj Ruam 4: Leej twg tuaj yeem txais tau qhov nyiaj txhawm rau muab kev pabcuam raws Phiaj Xwm Los Siv Peev Nyiaj thiab Dab Tsi Yog Cov Kev Tsim Nyog Ntawm Tus Neeg Muab Kev Pabcuam?

- Cov ntsiab lus ntawm tus neeg tau txais kev pom zoo muab kev pabcuam yog nce rau hom kev pabcuam. Piv txwv li, qee qhov kev pabcuam xws li kev saib xyuas neeg mob lossis kev kho mob yuav tsum yog tus neeg muaj daim ntawv pov thawj thiab daim ntawv tso cai los ntawm lub xeev. Lwm cov kev pabcuam,

xws li tus neeg pab saib xyuas thaum tus kws kho mob tsis tuaj, tsis tas muaj kev kawm lossis daim ntawv tso cai. Txhua qhov kev pabcuam yuav tsum yog muab los ntawm ib tus neeg laus thiab ib tus neeg uas tau txais kev pom zoo ua txoj haujlwm ntawd.

- Tus neeg muab kev pabcuam tshwj xeeb tuaj yeem tshawb pom nyob rau [ntawm no](#) uas yog tshawb nrhiav lub ntsiab lus ntawm qhov kev pabcuam tshwj xeeb. Tus neeg tuaj koom tuaj yeem ntiav tus neeg uas muaj lwm yam peev xwm lossis kev txawj ntse yog xav tau txhawm rau kom ua tau raws li qhov lawv xav tau.
- Tus neeg muaj kev saib xyuas raug cai tsis tuaj yeem raug them nyiaj kom los muab cov kev pab cuam. Qhov no txhais tias, tus neeg uas muaj lub luag haujlwm raws cai los saib xyuas lwm tus neeg mob. Lub luag haujlwm raws cai yog teev npe los ntawm lub xeev txoj cai lij choj, thiab feem ntau kuj yog niam thiab txiv (ib txwm los los sis txais los tu) ntawm cov menyuam yaus, tus neeg saib xyuas raug cai, cov txheeb ze ntawm cov me nyuam yaus, thiab qee zaum kuj yog cov txij nkawm.

Kauj Ruam 5: Kev siv Tus Neeg Thov Cov Khoom Siv thiab Cov Kev Pab Cuam.

Tus Neeg Thov Cov Khoom Siv thiab Cov Kev Pab Cuam yog cov kev pabcuam, cuab yeej los sis cov khoom siv uas tsis yog li ntawd ces muab los ntawm SDP los sis los ntawm Medi-Cal, uas hais txog yam uas xav tau nyob rau hauv IPP (suav tag nrho tej chaw nyob, kev txhim kho thiab tuav tswj tus neeg tuaj koom lub hwv tsam rau kev ua tswv cuab txhua qhov nyob hauv zej zog). Pab pawg ua haujlwm txog IPP tuaj yeem ua kev txiav txim siab txog kev siv Cov Khoom Siv thiab Cov Kev Pab Cuam ntawm Tus Neeg Thov tom qab tshawb nrhiav tau lwm yam khoom siv thiab cov kev pab cuam thiab tsis muaj lwm yam kev pab cuam raws li tus neeg tuaj koom cov kev xav tau los sis cov hom phiaj hauv IPP lawm. Cov Khoom Siv thiab Cov Kev Pab Cuam ntawm Tus Neeg Thov yuav tsum raug sau tseg rau hauv tus neeg tuaj koom qhov IPP thiab yuav los ntawm tus neeg tuaj koom pob nyiaj siv. Kev sim los sis kev kho yam uas raug txwv yuav tsum tsis pub muaj.

Kev yuav siv tau Tus Neeg Thov Cov Khoom Siv thiab Cov Kev Pab Cuam, nws yuav tsum ua tau raws qhov xav tau ntawm tsoom fwv txoj cai zam rau qhov kev pab cuam no:

1. Qhov khoom siv los sis kev pab cuam yuav tsum yog yam uas xav tau tsawg dua nyob rau lwm cov kev pab cuam hauv Medicaid.
 - a. *Qhov khoom siv los sis qhov kev pab cuam no yuav xav tau tsawg dua nyob rau lwm cov kev pab cuam tau li cas vim nws cuam tshuam txog qhov kev xav tau ntawm lub phiaj xwm? LOS SIS*
2. Txhawb nqa kev sib hlub sib pab thiab kev sib koom ua ke hauv zej zog
 - a. *Qhov khoom siv los sis qhov kev pab cuam no yuav txhawb nqa qhov kev sib koom tes hauv zej zog tau li cas vim nws cuam tshuam txog qhov kev xav tau ntawm lub phiaj xwm? LOS SIS*

3. Ua rau ib puag ncig ntawm tus neeg lub tsev muaj kev nyab xeeb ntau dua qub
 - a. *Qhov khoom siv los sis qhov kev pab cuam no yuav txhawb nqa kev nyab xeeb tom tsev ntawm tus neeg tuaj koom tau li cas, qhov sib cuam tshuam txog qhov kev xav tau ntawm lub phiaj xwm? THIAB*
4. Qhov khoom siv los sis qhov kev pab cuam tsis tuaj yeem thov tau los ntawm lwm lub chaw muab kev pab peev nyiaj
 - a. *Puas muaj lwm qhov chaw, suav tag nrho cov ntaub ntawv ntau yam uas muaj, uas yuav pab peev nyiaj rau khoom siv los sis kev pab cuam?*

Cov Ntaub Ntawv Xa Ua Ke B muab cov ntaub ntawv ntiv txog cov khoom siv thiab cov kev pab cuam uas yuav tsum tau yuav. Cov npe no tsis yog muaj txhua yam.

Kauj Ruam 6: Kev Tsim Phiaj Xwm Los Siv Peev Nyiaj thiab Kev Saib Xyuas Ib Zaug Dua

- Cov neeg tuaj koom tsim lawv lub phiaj xwm los siv qhov peev nyiaj.
 - Lub phiaj xwm los siv peev nyiaj yuav tsum qhia tus nqi ntawm txhua yam khoom siv thiab qhov kev pab cuam uas yuav raug yuav los ntawm cov peev nyiaj ntawm lub chaw muab kev pab cuam hauv cheeb tsam. Yog tias tus nqi tsis paub meej, nws yuav raug kwv yees.
 - Qhov phiaj xwm los siv peev nyiaj qhia hom neeg uas muab kev pabcuam txhua yam. Tsis tas qhia npe tus muab kev pabcuam tshwj xeeb.
 - Tus nqi cov nyiaj siv tag nrho tsis pub ntau tshaj pob nyiaj siv ntawm txhua tus neeg.
- Thaum ua tiav lub phiaj xwm los siv peev nyiaj lawm, lub chaw muab kev pab cuam hauv cheeb tsam ua kev saib xyuas ib zaug ntiv txog daim phiaj xwm los siv peev nyiaj kom raug raws txoj cai lij choj ntawm lub xeev, suav tag nrho kev muab pov thawj tias cov khoom siv thiab cov kev pab cuam uas tau sau mus ntawd tsim nyog rau tus thov kev pab nyiaj ntawm tsoom fwv thiab tsis raug siv mus ua peev nyiaj pub cov khoom siv los sis cov kev pab cuam uas twb muaj los ntawm lwm cov koom haum lawm.
- Daim phiaj xwm los siv peev nyiaj uas tau txais kev pom zoo lawm yuav tsum raug xa ua ke nrog tus neeg tuaj koom daim IPP.